

響

泉

集

響泉集 詩九

金匱 顧光旭 華陽 五世族孫鳴鳳校刊

叱馭小藁上

起壬辰秋  
止癸巳冬

昔王尊爲益州刺史居部二歲威信著行蠻夷歸附今清溪  
邛嶽山其叱馭地也予官隴右屢乞歸養未遂會征勦金酋  
大司馬制府文公奉

命移節西川

奏

光旭

從行自壬辰秋七月循隴入蜀出南

徼歷戎旃繼櫜臬事奮勵疲駑蓋未敢以私情獻諗云

七夕宿青陽峽

隴雲如蓋隴坂長秋風秣馬苜蓿香將登蜀棧指劍外却望金

城如故鄉三朝三暮客千里七月七日天一方羣山似隨新月  
轉匹馬已到雙星旁金風吹空氣微白涼天露下霑行客郭相  
行軍拜翠幘張鸞奉使占靈石會從萬里覓封侯且向良宵愜  
行役青陽峽前燈火明青陽峽上人吹笛笛聲吹折柳條青杜  
老當年此地經畫看雲水氣參錯夜入岡巒勢窅冥我今已覺  
崆峒薄杜詩岡巒相經巨雲水氣參錯又曰北知崆峒薄懷古重捫劍閣銘殘更不寐  
跨馬走回首牽牛織女星

謁諸葛武侯祠

時王師征金川余隨文大司馬將赴軍中

魚水君臣萬古思錦官城外拜公祠天方西顧煩籌筆我欲南  
征重出師太息有才過管樂如何無夢叶龍影平蠻願識攻心

策乞假風雲爲護持

錦樹

錦樹應無恙園居積翠中

家嚴慈園居錦樹里

薛衣秋水綠藤杖夕陽

紅爲普看 前業尋山倚短童  
遠遊違定省堂上話蠶殼

萬峯擠日地

地名

千丈濺飛泉欲叱王尊馭  
還吟東哲篤書生投

筆起壯士枕戈眠烏道餘殘照孤雲一握天

兒女已成行歸期勉戒裝隴頭人盡散河畔路偏長

時親友在隴右者皆

附眷口南歸

未遂學農圃安能謀稻粱且令供婦職獻壽及重陽

相嶺行

諸葛出師先入南南人自此不復反當時取道出沈黎渡瀘遂

至滇池遠沈黎之郡古邛笮岡巒綿亘道彌惡羣峰聳起插天  
高千丈飛流向人落丞相旌旄此往還蜀人思相名其山而我  
梯空上突兀飛騰忽墜冥濛間冥濛似識英靈聚六月凝冰四  
時雨黃昏山鬼泣金沙白日鬻丁震銅鼓銅鼓四震金沙鳴嶺  
色照耀廻機槍返思奏凱班師日茲嶺豈卽邀榮名風霜兵火  
三千載縱有名存相安在空餘一片嶺上雲下視茫茫浩如海  
陵谷變遷亦何有諸葛大名垂不朽君不見東流江水號平羌  
萬古山高共水長

飛越嶺

飛越嶺我欲攀天白雲冷以手捫參身慙井躡吾足兮梯雲振

吾衣兮擊領駕西北之千山跨嶺荒兮絕頂問君躍馬何所爲  
將俘巨酋繫其頸高高一嘖天四開腳底浩洶生風雷恍然坐  
我壁上觀二十八將升雲臺虎豹股皆栗何況狼與豺折箠笞  
之耳小醜何有哉飛越嶺兩腋安得生羽翼從風縱體竟飛越  
負緣躑躅殊悶人且上青天擊日月日月照耀無處無古人征  
蠻自笮都西去尙有打箭爐玉斧之畫胡爲乎方今明堂大朝  
會海寓晏然歸版圖彼酋狂狡猶負岫腐鼠入穴何其愚飛越  
嶺我將勒爾一片石歸奏 天子頌功德

南征十首

并序

壬辰秋九月自打箭爐至章谷行五百里懸嶂攢峯湍波駭

重刊定本  
三  
復時有藉林掩映宵冥幽異而羊腸百折登降上下無咫尺  
餘地稍展遐眺又百里抵達武大軍駐馬安得五丁斧巨靈  
掌劈開巖洞哉據鞍有作聊誌巖荒風土之一二云爾

王牧

路出魚通曲秋陰變晚晴白濤寒峽動紅葉亂山橫野鳥調巖  
語流泉散楚聲

時楚兵  
初至

馬蹄行得得返照上弓旌

熱水塘

清露咽秋蟬征夫就石眠藤梢低掛月澗曲暗慳烟一宿層雲  
內翻疑太古前黃農曾未到草麻此開先

海子山

海子胡爲青浮空雪照明西風吹石骨白日冷山精盤踞亦何  
有驅除於此行然犀憶溫嶠長嘯百蠻平

山頂有大池一小池  
三邊人呼爲海子在

往見大池中有物長丈餘赤身東向拜則  
風雲雨雪頃刻交至予過時一無聞見

### 白土坎

徑仄不容足巖花腎節旄水將浮石下山欲放秋高飲壑猿連  
臂崩峯虎豎毛惜哉無利劍絕頂吼松濤

### 旄牛

曾是周三誓旄牛會孟津巢居猶聚族椎髻豈同倫落落星垂  
幕明明月向人此中安食息齏爾亦蒸民

### 大崖

大塊亦何意，茲崖非嶽靈。雲根穿地白，石色冒天青。傳舍懸孤嶂，軍儲寄一亭。何時洗兵馬，干仞爲書銘。

東谷

輓粟羨羊腸，千夫各異鄉。灑衣秋雨隙，躡屣暮雲旁。露處然殘竹，風餐裹朽糧。却看蠻井落，刈麥夕陽黃。

弓插

隔水斷漁樵，橫斜壞木橋。燒痕空樹腹，雲氣束山腰。已信人踪絕，猶看鳥道遙。巉巖餘舊壘，半壁見殘礮。

章谷

怪石頑雲外，艱難餉道賒。懸崖爭一綫，亂水出三叉。羽檄飛星

火繩橋走浪花前峯排戰格風急怒谿紆

達武

帝前時聚米關外正攻心雪夜奇兵合蠻烟細路深殺人殊死  
戰縛虎必生擒笳鼓強千里迢迢聽凱音

文君井

郎彈綠綺琴妾唱白頭吟轆轤井上轉妾淚及泉深

爲沈五莘田同年題棧道圖

君非火色鷲肩之馬周亦非燕頷虎項之班超既不得干將莫  
邪在手并不識雕弧白羽橫腰忽然一見疑是沈慶之攜童跨  
馬蹠踐行山椒巉巉青壁千仞際天起浩浩長江萬里風帆飄

圖此天梯石棧之絕景，囊琴負劍，攜酒懸詩，瓢不知人生能者，  
幾緬履可奈，猿愁鳥喚，朱顏凋功名富貴，只如草頭露，笑指赤  
車駟馬之題橋，况我與君通籍二十載，當年跌蕩意氣橫，九霄  
含毫視草，出入青瑣闥，聽鸛戰酒，宛轉紫瓊簫，儻忽雲散風流，  
五寒暑，邂逅天涯地角，三暮朝，憶昨臨邛酒壚，遇君處，意長言  
短，分道揚鳴鑣，南征蠻徼，一一君所歷，想見奚囊滿貯青瓊瑤，  
又念王陽迴轡九折坂，安能疾趨叱馭摩雲旂，今觀此圖，意遠  
態雄傑，使我鄙吝之萌，潛復消，馬揚李杜，蘇陸皆已去，與君剪  
燭秋雨，談深宵，上有欽明文思，帝堯堯下有夔龍稷契，益  
臯陶，我輩幸生其際，升於朝，一舞兩階，干羽平三苗，九夷八

鸞咸頌

帝聖德明堂清廟雅奏鳴簫韶

小臣

稽首願乞鑑

湖水天台雁宕霞氣赤城標扁舟乘興來往霄與茗請君却寫

八月錢塘潮

獲禽行

有序

維州公廨有鷹逐山雞落庭隅既獲之起鴉鵲羣噪趨之有  
頃鷹忽入余座擲山雞禱上而去因作獲禽行十月廿九日  
一峯如批熊耳尖千峯鱗鱗雲壓檐檐際忽聞風捲葦垂天側  
翅蒼鷹落山鷄一叫鷹一攫振影翻身入太清此時鴉鵲競飛  
鳴羣起欲與蒼鷹爭巨額老拳側猛腦眦睨悠悠何足道飛而  
食肉寧自飽軒然勇氣一奮揚獻禽直上白玉牀功成振翩凌

風翔凌風欲去更回顧羣山蒼蒼鳥不度我憶籌邊李德裕

維州

有李衛公籌邊樓

由維州還成都道中雜詠

危髻金冠菩薩蠻乳川積雪滿西山笑看蔽體交瓊珞一束荆薪下壩還

鄭公前後三持節曾向威州破敵來爲問玉輪江上水幾時灌口米船開

葉葉霜楓紅似染粼粼黑水碧於羅石犀厭勝知何術灌了寒雲噴白波

青城隱隱白雲重雲外微聞隔水鐘回首雪山豺虎地馬頭空

禮丈人峯

杜鵑城外杜鵑啼  
犀浦花開踏作泥  
欲向山公同一醉  
那箇酒熟客東西

謝林司馬

備

以坡公贈馬帖及紙墨見貽

風雨縱橫夜渡瀘  
與君鄉語隔東吳  
年年三月桃花口  
恨不相逢在直沽

癸未春余奉

命治水屢過津門時林君客饒使署中而未得一晤

四海難逢蘇子瞻  
殷勤贈馬託豪尖  
無多木假山掌蹟  
一字還堪值一緜

癡絕無如顧虎頭  
欲將毛穎易兜鍪  
感君投贈吾滋愧  
多恐磨人謝蔡侯

索徐補東

觀海

作書

援鏡照春春欲濕倚風嘯樹樹初花薛博箋上秋波綠乞與抽

毫蘸絳霞

簡笠湖兼寄畫莊

相思折柳橋相見吟風閣

即用畫莊語

相見復相離風吹柳花落

春風如故人

畫莊句云春風自淡蕩披拂如故人

相見憺無語只有故園心綠遍

江南樹

癸巳閏三月初五日宿眉州三蘇祠用坡公金山寺詩韻

即用其起句

公從江水初發源宦遊直送江入海我本江南入西蜀海門上

溯岷峩在岷峩悽愴石盤陀瞿塘灘瀆波復波公適我邦春水  
開我尋公宅暮雲多巽頤渡頭埋舟楫揚子津邊生海日風烟  
一掃八百年年霜白楓林赤謁公祠宇仰精魄月落眉山關  
塞黑二江風雨一燈明三公文采萬古驚當年裙屐渺難識凌  
晨洗眼看雲物走馬却憶江南山中猿鶴嗤我頑我亦謝公  
非得已爲公一酌醴泉水

遊凌雲山仍用前韻

坡公昔愛凌雲遊飄若浮雲墮嶺海便令身雲漢嘉守何似此  
山常自在此中自在現彌陀頭爲江峯足踏波

鑿巖狀大  
佛立江中巉巖

九頂皆可愛撫頂一笑滄桑多鏡吹中流蕩蘭楫恨不攜翁泛

雲日半巖濃翠石壇青一徑雨花幢影赤古來詩人盡落魄斷  
碑苔蝕松煤黑遶山江色照樓明樓上客來山鳥驚時代蒼涼  
僧莫識惟有新詩無故物伊余戰酒爲遊山山自凌雲石自頑  
但見行雲行未已悠悠今古東流水

答曹秋漁

是

君本陳思匹詩含山水音曾爲漢嘉守復此眉山吟庶子春華  
筆美人香草心行藏何必問入浦棹歌深

嘉州舟行至渝五首

揚舲赴江綠鏃吹入山背道與白茲往清猿遙可聽夢思神女  
宅詞賦子雲亭稍覺灘聲急船窗午睡醒

織月上青衣迢迢春水肥如何萬里道不借一帆歸夜靜魚龍  
臥沙平雁鷺飛半江星斗外疑是舊漁磯

江陽渡瀘處九十九峯雲下有五色石粼粼生縠紋

縠籜多五色石下有

花木人物狀上人往往得之

岸容看水立川勢到黔分寂寂巖花暝吾思宋

使君

晨色動江津灘聲下七門

灘名

殘花巴國雨深箐夔人村驛騎輸

帆健篙師讓柁尊岸欵頰向背時見濕雲痕

欲雨巴江暖無風几水波自然殊氣候一爲問田禾天地看垂  
網華夷想釋戈扁舟更東下鼓柁且行歌

古黃葛樹

聞昔黃龍曾負舟今看黃葛枝相樛年年歲歲龔山下雨雨風  
風字水頭應從玉帛冠裳會閱盡桑田滄海秋只恐臨流還欲  
化江清日逐蘆花遊

題巴江

巴歌遙唱客登舟一字縱橫萬古愁太始何人初落筆畫開地  
軸寫江流

雨發巴江望龔山

昨夜風吹黃葛樹今朝雨作黃葛渡頭風雨一江鳴疑是蒼  
龍甲爪聲蒼龍已挾神禹去巴舟却與龔山橫伐鼓撻金且開  
柁龔山歛我船窗坐黃冠葛衣誰鼓琴似奏雲山韶蕩音

鄴陵月

并序

癸巳閏三月之望宿鄴都官廨月上酒酣兀然而睡夜過半  
起行庭中清光爛然憑闌坐翫援筆得長句

放舟不到巫峽雲拄杖不到峩眉月仙都清氣盪胸來欲捉銀  
蟾入蟾窟軒然已掛庭樹枝對影持盃醉兀兀隱几未覺青山  
橫擁衾詎識華燈滅神清夢冷沁肌骨斜逗一痕窗紙裂攬衣  
啟戶思欲絕銀漢迢迢玉壺澈萬里而遙江影長四更以後天  
容闊假令斫却惡木陰定放清光到牆缺人生對月坐飄忽看  
我星霜點毛髮小時笑指白玉盤壯歲常依青瑣闥瓊樓玉宇  
幾度看蜀棧隴雲行未歇巴舟十日浪拍大嶺色千重雨如灑

信知春月令人悅，驅烟掃霧春靈活。一春明月今宵發，五魚山名躍出江波凸。月上如環復如玦，月落啼鵑更啼鴉。籌筆無能謬持節，聽雞爲賦豐陵月。

三仙樓

在鄴郡縣平都山頂樓中有二仙對奕像

王方平陰長生活濁，酒興爾傾爾騎白鶴。吾長鯨爾吹鐵笛，吾風笙江風吹起江月明。吾欲醉爾自醒醒時應憶醉時事，醉中可以忘吾情。日月星辰掛巖戶，不知戶外蛟龍舞。惟有一杯與終古，吾將與爾終一杯。一著饒爾先天行，憑闌大笑劫中劫。江水無波空自聲。

忠州行

江上一州如一村虎鬚一怒江打門括鹽爭米舟市喧命州曰  
忠意弗諛借問何以名州人指雲根云是巴蔓子干載留忠魂

巴國有亂楚人救函頭謝楚巴城存巴之山兮石齒齒霜清月  
冷啼哀猿遷客騷人不忍聽荒江破廟靈旗翻嘆息名賢多貶

謫信讒進佞唐貞元司徒

得

既沉寃宣公

楚

遭蹇屯二相奠社

稷隻手扶乾坤嘉謨駿烈委草莽匪躬之故或可言同時李公

吉甫

亦被遷雅量高致厚以敦白公

居

緋衣歎華髮有如犀鶴羈

籠樊種柳東坡上種花西澗暄年年杜鵑開寂寞荔枝園四賢

踵相接幽憤不可吞丹心矢白日矧口難具論賢哉王使君

雜

聖朝判史

王之闕 架閣臨江濱於以祀四賢涪翁爲之文豈無增修者

兵燹空荒墩我來巴水上聊欲薦蘋蘩蕭條巴子臺唯有草木  
繁吁嗟乎安得草木之性皆松筠羽毛之族皆鳳麟龜有毀甲  
龍有腐鱗忠誠所激不顧身若使忠誠而泯沒兮殆將天地老  
而三光淪作爲忠州行可以勵人臣

梁山道中

泉聲山色送輕輿空際林樹畫不如疊澗雨深叢篠密半坡雲  
薄小松疎隔咽犬吠人呼犢傍水竈喧獺趁魚絕似江南好風  
景濃陰四月插秧初

抵大竹縣晚籌

烟雨川上山夕陽明大竹幽篁小院深一半芭蕉綠

渠江二絕句

軟輿輕夢宕渠邊  
林鳥頻呼上渡船  
綠到鴨頭春水足  
嫩晴風色薄雲天

平石鋪泉看落坡  
銀濤十丈下明河  
馬蹄厭踏巴賚路  
却愛中灘橋上過

送人還江南

細雨華陽國嘉陵  
水生綠波與春草  
萬里蕩舟行山木  
啼鶻路汀花過客情  
鄉心渺何許直到海潮平

曹秋漁見和梁山道中作用前韻

千里風烟盡入興  
巴歌渝舞定何如  
江流黑白濤聲怒  
山到西

南石脈疎紀信廟前開日月譙周宅畔變龍魚出來井底無餘  
物安問公孫躍馬初

昨過忠州弔敬輿今來古縣憶相如

蓬州梁爲  
州如縣

祇知金石文章

貴誰道松筠節目疎夜雨千峯抽石笋春潮萬弩射銅魚

酒

闌燭跋蓬山下破夢鐘聲到枕初

次韻杜觀察登雅州城樓四首

馬頭涼雨洗秋雲城帶江流地軸分一柵渡時風正急四山霽

後日初曛

去秋兩渡平羌  
江皆值晚霽

驚心歲月速烽火回首刀韃出塞雲

籌筆忽傳驚座句祇疑天上下將軍

諸蠻舊隸版圖中衛國籌邊豈論功試過鐵橋穿鳥道尙遺金

鏃控魚通龍蛇不戰猶爲陣耕鑿餘閒可卽戎周漢當年誓師  
日巴歌渝舞盡來同

秋風嚴道似深冬

去秋出雅州寒甚

况復征人路萬重雁塞寄書如挾

纊蠶叢轉粟不妨農曾收天馬葡萄熟欲醉郛筒琥珀濃一昨  
巡行問田舍荔支青處過巴賓

亂山支枕聽濤聲作檄相如無那情但使指揮隨羽扇未妨談

笑絕冠纓上清峯頂茶初焙

上清峯即蒙頂

大漏天南雪乍晴想見登

樓集僚佐如輪邊月掛前營

五日東秋漁笠湖

芭蕉葉大桐陰長梔子花開梅子黃欸乃一聲江上別匆匆二

十二端陽

陳明府竹澗寫真

雨洗秋竹竿風鳴幽澗水欲寫平生心清氣先在紙六逸與七賢蕭蕭此君是

看君抱琴來本是清吟客一彈峩眉青再鼓江月白月上竹外山却照澗邊石

天妙閣

瀟錦江空遺似練大峩山遠只如眉天邊風露無聲處獨立西  
南月上時

杜工部成都草堂同吳白華學使四首

揖讓登初地浣花猶草堂寺門分竹色綵筆點溪光梁燕綠江  
熟簷雲背郭長野人收芋粟桑柘晚陰涼

錦里栖栖久東西南北人重逢黃閣老一掃白蘋新客至郫筒  
遺堂成榿木春郊垌看小隊來往自頻頻

破屋秋風裏孤吟失老柁艱難萬里客悽愴百花潭稷契憂方  
大詩書性所耽飄然成白首留滯錦城南

無家思弟妹爲客長兒童日月雙懸地乾坤一老翁合離江內  
外去住瀼西東逝者浣花水長歌懷古風

謁惠陵三首

南陽諸葛真名士天下英雄唯使君定霸才應高管樂尊王義

自遭桓文兵戈滿目元黃戰衣帶寒心玉石焚白帝歸來三峽  
冷春山杜宇不堪聞

天府當年此啟都州人奉戴進全圖重開巴蜀麾黃鉞直配高  
光應赤符丞相出師籌伐魏順平抗疏諫征吳大江東下荆襄  
遠翻恨懸軍一將孤

三分正業竟偏安一片荒陵尚鬱盤魚水君臣金殿閣風雲龍  
虎錦江寒託孤涕淚埋煙草討賊聲靈動石壇七十二墩何處  
所鄴城平後路漫漫

獄忠祠 有序

木果木之役文職官僚死事者二十有六人戶部主事上海

趙文哲刑部主事滿洲特音布無錫王日杏重慶府知府新  
建吳一嵩候補知府山西王如玉府同知桐城鍾邦任通判  
休寧汪時浦城吳景知直隸州會稽吳璜知州承德常紀漢  
陽徐諗南昌彭元璋知縣陽湖徐瓊渭南張世永嘉善許椿  
宛平孫維龍貴筑章世珍仁和程蔭桂無錫楊夢槎布政司  
照磨臨榆倪鴻縣丞仁和倪霖吏目宛平羅載堂巡檢臨桂  
郭良相典史光州吳鉞東安許濟寧河周國衡諸君之親屬  
僚友相從於難者未能備悉奉

詔優卹竊謀於同僚諸君子築祠成都南門外浣花溪少陵  
草堂之右設主以祀之名其祠曰慰忠因系以詩

天風大旗折昔嶺人踪滅眾星羅井鬼劍佩森成列一時二十

四郡人六州四十三縣鐵

是役也將軍溫之水土卒苦之賊又劫我

移營木果太軍中

開營爲固守計六月戊戌將軍開門出營又未有部署兵遂潰

鬼火青燐草木腥蠻烟碧化暮

宏血浣花溪水草堂隈鷄紙招魂猿夜哀 王師尅日殲殘賊

風馬雲車歸去來

送沈五

去秋余赴遠烏軍中時莘田將還成都遇於邛笮湖刺史置

酒吟風閣談至夜分而別今歲月儵周莘田西赴軍營作詩

送之因簡笮湖兼寄秋漁

沈夫子西從戎飲君酒黃金鍾去年此日過臨邛沈夫子馬首

東我南征行相逢臨卽故人吟風翁相邀置酒高閣中華筵紅  
燭彈綠桐彈綠桐文君井風雨聲雜馳騁出未終駕先整握手  
欲別思遠人眼前幕府無曹彬君還捧檄馬猶血我暫行邊刀  
似月飄風捲城鼓鼓傳人事變幻如浮烟長卿車騎重來過空  
有琴臺非故絃昨日送客又今日昨送  
伏酒今年送君憶去年掀捍  
賦詩忽相笑高談捫蝨劇可憐丈夫不學萬人敵橐筆戎行竟  
何益拂長劍拓金戟安邊自合有良謀 天子垂裳佇獻策

少年

少年二十羽林軍跨馬提刀斫陣門曾解白登行秘計爲持紅  
燭照癡痕羊公豈有酖人術細柳寧同兒戲論却憶南陽諸將

相一時徒步若雲屯

書生

書生豈必便鞍馬上將何妨解佩刀漢帝猶師憂潮上爪瑕舉  
趾狂蒲騷千金裘敵吾將老兩石弓開客自豪擒縱應須籌策  
定莫煩西顧 聖心勞

覽古

欲報君恩一劍知年來鬚髮漸成絲偏從麋豸磨牙地得覓  
麟虬履草時雲鳥陣圖諸葛壘石犀風雨二郎祠英雄未了千  
秋業江水東流聲正悲

遊青城山

子美遊青城題詩作五字五字何足多青城覺靈異我來遊青  
城白雲暫留憩未暇更題詩復恐礙雲意偶然咳唾落九天不

曾點著青城地

杜詩自爲青城  
客不唾青城地

蘭州方伯以詩見寄并城示揚東章學使柳湖書院之作  
走筆奉答兼呈學使

昔年曾作三書院

一銀川一柳湖  
一天梯

水色雲容滿柳湖又見關西迎

伯起應從河朔訪潛夫素書雙鯉存知己長劍崆峒笑故吾大  
雅扶輪公等在莫教松菊就荒蕪

涼州本是羌戎地已播王風到柳林雲向天梯山下關河從星

宿海邊深不才承乏常于役虛願蹉跎直至今

余自辛卯奉  
命觀察涼州

而常駐省城僅一至涼三宿  
而去千辰入蜀今年餘矣  
回首子卿持節處斷崖殘雪據鞍  
吟

吉甫清風能作頌子雲高志更談經  
黃河九折樽中滌蜀道千  
盤劍外青愁聽猿啼三峽水起看螢落一江星  
故人若問南征  
客舞破雞聲月滿庭

見楊蕤裳

芳標

詩題三絕句寄從兄曜七

甥如其舅更何疑絕妙無梁殿裏詩

蕤裳有姑蘇無梁殿詩

小坐錦江天

妙閣中酣吟到月斜時

少年誰似馬公子碧海鯨魚噴日紅  
只有吾家天石老龍門相

對斧修桐

馬辨爲文肅公孫與天石翁友善有詩一卷

一曲桃花一往深

桃花扇往深集  
昔天石翁所製

人間難得有知音  
辟疆國後

雙溪去惆悵聊爲擁鼻吟

雙溪沒  
十年矣

同莘田笠湖賦梅影

夜深無語兼無睡  
澹澹疎枝竹外斜  
醉後起看橫影亂  
不知我是梅花

和周海山侍郎重至成都用少陵韻自壽五首即送還京  
二星重見出天都  
持節相如合舊符  
黑水灌時成沃壤  
蜀山開處到平蕪  
稷饑禹溺原同道  
孔思周情亦待沽  
豈爲題橋遲駟馬  
殷勤先與問征夫

江上冰漸點白蘋  
岸花汀草意先春  
開筵未許來生客  
過里相

呼訪故人但使萬方同老壽應教四海洽比鄰

先生初度之辰適在惡靈

萬壽節內僚友請稱觴不許也

維桑與梓兼廉讓正及寒梅放萼新

相逢問訊浣花溪杜老籬邊路欲迷  
萬里吳船鄉思外數家葉竹寺門西  
江山文藻空禪榻節鉞青冥散馬蹄  
何似鄭公攜小

隊所嗟風雨壞牆泥

奉陪工部草堂承以脩葺爲樂

壽邊樓上俯危欄一柱中流障急湍  
叱馭未經新鳥道乘槎莫問舊漁竿  
七星自識安軍地九轉應成濟世丹  
父老詎須傳傲論飛鵝輓粟不辭難

巴東樹色隔江微行到巴西只未歸  
老鶴慣飛來又去梅花頻夢是耶非  
巖華欲拔長蛇尾雲石能支織女機  
計日形輝霽

召對春光先上侍臣衣

草堂寺

江頭臘盡早春歸  
輕暖輕寒露未稀  
野鶴無心成獨立  
海鷗何事却驚飛  
水流花謝竹當戶  
天遠雲高僧掩扉  
至竟有情終作佛  
非空非色又非非

除夕遲笠湖守歲不至

兩度辛盤獻歲新  
與君滯跡錦江濱  
千門爆竹爭傳夜  
一樹梅花自在春  
聞道鼓箏還獨酌  
不知挾瑟爲誰陳  
虎頭剩有癡難賣  
列炬成詩少和人

響泉集詩九

無錫文苑閣排印

響泉集 詩十

金匱 顧光旭 華陽 五世族孫鳴鳳校刊

叱馭小藁下

起甲午春  
止丙申春

與楊笠湖同訂鄂文端公西林詩集二首

人如元氣徧春溫  
杜甫心肝奉至尊  
江左師儒依講席  
斗南冠劍下天門  
一朝風雅斯爲盛  
畢世憂勤此獨存  
最是求賢若饑渴在 廷難與敷公論

一編不厭百回溫  
笑我無聞得所尊  
祇是樂觀名相業  
未能親炙大賢門  
身兼姚宋元功在  
心契天人道力尊  
今日羊曇倍惆悵  
西州遺事醉中論

次韻徐補東集飲凌波小築

查儉堂觀察  
駐紮砥築此

太白謫仙人捉月手中弄爛爛生光華持作玉堂頁君門離萬  
里雙輪轉飛鞚醉入青瑤宮玉山倒銀甕巨鼇不容鈞况乃小  
其纓君才逸雲上快飲與伯仲勃窣理窟開妙筆活鸞鳳凌波  
老仙翁卜築架巖洞君醉枕其股錦袍覆幽夢樺燭照箭癢點  
點矢石中厓中一黃驄千里不須控

去年登春之役補東肩矢  
石出幾瀕于危時有賈人

附以黃驄馬  
突圍得脫

男兒死如歸不死復何恫斗酒與彘肩飲談雜諒

飄感此激清風長歎白日送

袖東在過再用前韻

少年十六七柔翰亦特弄二十挾書劍送爲王國貢自從長安

來疲馬不解鞍好友惠然至佳釀且開甕晚春持作糜輕儻亦  
收纓何如蔣生徑日日招二仲雲津睹躍鱗朝陽振鳴鳳赫奕  
當代彥天門開洞洞伊余點朝班回首忽如夢方人則不暇偶  
億豈展中軍行自須速師老轉難控堅壁避風雨眾志豈不恫  
君從軍中來聊此事吟諷何當凱歌還天清笳鼓送

表弟周式祖至三疊前韻

客從江南來能作江南弄宛轉春風情花柳意先貢手中珊瑚  
鞭白馬青絲鞵行行遊且獵江城指鐵甕酒壚今尙在烟波綠  
魚纓慨然念討虜三吳開伯仲水中自有龍臺上寧無鳳玉簡  
空所投寂寂華陽洞春風來何時人代若大夢四座且勿喧狂

言會有中江水日夜流雲鶴不吾控人生亦自適遠遊豈不恫  
北山有草堂移文見嘲諷今我思故鄉安得一帆送

喜晤查儉堂觀察自軍中暫歸成都卽送之松州視邊

初從日下識君名二十年餘此合并已信文章爲世寶却看鬚  
鬢照人清波瀾北海尊中淥風雨西窗劍外鳴聞道諸蠻知膽  
懼往來數騎導前旌

雪嶺長圍戰未休又銜 新命下松州寇公郡借三年駕李相  
樓開四面籌微外自歸青海馬帳前爭飲月氐頭廻看肅慎拔  
餘失萬里風行列戍秋

七月十四日過嶽忠祠感成

溪上夕陰歛涼風來颯然客心悲舊雨螢火墮秋烟鐘梵草堂  
寺魚燈古墓田忠魂招不得展拜又經年

附  
和作

七和  
沈清任 莘川

忠魂依古寺梵唄亦凄然白骨都無塚青山何處烟雨聲歛  
竹裡螢影亂秋田碧化誰磨礪溪流空歲年

官軍攻滬促浸

近聞三窟破狐兔自相悲欲乞羊公藥看收太傅棋易除惟癩  
疥難補足瘡痍共望安邊策 王風草木知

范韓無異議廉蔣况同仇背後頻遮扇登先競挾輶此猶勞

顧問何以副紆繆萬里聽笳鼓奇功合力收

答陸赤南

一自閒鷗忘海後，又看香象渡河時。  
光芒李杜文章在，何敢逢人復論詩。

雨窗爲赤南題古劍

中山帝冑驚雷日，大樹將軍坐雨時。  
閒在腰間自吟吼，不能用汝斬蛟螭。

至公堂恭和

御製貢院詩四首元韻示諸生

簾外秋光雨露辰，闔門聲動錦城闈。  
眞儒代出由寒餓，聖主旁求念苦辛。  
孝弟力田猶古制，詩書執禮在斯人。  
蜀中本是

以捐高堂開笑口喜極淚迸泉淚亦孰能已三載嬰逆遭奇門  
望軍報報至翻懸懸慈母念遊子豈獨朋友然昨者林中鵲向  
我庭樹穿俄聞君且至衢巷爲喧闐父老皆歎息兒童舞褊袒  
入門拜慈母萊綵香風鮮堂後樹萱草堂前蕪蘭荃賓朋錯珠  
履水陸陳雕筵梅兄及礬弟一一供清妍擣榼忽過我高軒何  
聯翩寒宵動春酌豈惜囊無錢沈侯賦八詠楊公得三鱸舊韻  
續新作意愜忘蹄筌反思履嶮巖羈軀荷皇天却述戰場事火  
色聳鳶肩萬夫殉肝腦五內常憂煎攻蠻利疾鬪搏兎力亦全  
我師出三路已逼巢穴焉昨冬破攔拉即小長驅掃腥羶今冬  
臨勒圍出險路平平么磨亦何有性命圖苟延其賊以死守怙

惡乃不悛其黨或効順羣言亦譏諉主將深料敵肯使妖氛纏  
繫曩其冤酋分裂其山川洗滌其荒穢頒賚其牲牲勞來其婦  
子戶口爲之編馴伏其野心忿戾爲之躅豈惟除癰疥沉疴爲  
之痊將軍在關外生殺皆得專况逢 聖天子無黨亦無偏

卽今歲云暮絕壁旗懸塞言罷生感奮僮僕皆涕漣問僕何爲  
者苦樂皆向前往者背嶺役漂杵血濺濺乳鬢夜攪人陰氣積  
飛涎君爲掩骼哀哉半沉淵迴樽勞僮僕努力宜爭先此身  
圖報主出入敢自便汝輩侍主翁眾星從月圓主翁視小醜燕  
雀逐鷹鷂舉座三歎息含意殊邈邇丈夫具七尺意氣揮八埏  
圖繪緬贊皇佩刀遺呂虔白衣參帷幄李泌非神仙况此乃蠢

爾縛取如遊收且盡杯中物言栽火裏蓮青芻秣君馬徒御割  
縱豨揮手更西去別袂無須牽會當作露布走筆看如椽春風  
眼前至春山多杜鵑客心易爲感玉壘鳴寒湍與君以春期歸  
馬駐錦韉開我白玉堂贈君紅粉箋爲我和此作送君赴幽燕  
我年四十餘攬鏡已白顛君行我亦去拂衣老漁佃積習茲未  
忘掃室事丹鉛我家下京口君家指由拳布帆倘能借扁舟任  
洄沿古人經世意江草春芊芊佇見岷峨上功德摩崖鐫

同白華學使秋漁儀部華田司馬由浣花草堂回至青羊

### 宮小憩

浣花老翁溪水西竹刺藤梢花下迷此翁不在草堂在壤苔寒

碧風淒淒風搖影入修竹竹外一枝如白玉四座清言玉屑  
霏詩人魂魄盪幽獨心知不遇浣花翁爲謁新祠感感忠雲車  
兩馬紛來下落日却照青羊宮青羊宮殿連雲起降生臺上生  
老子羽客千年問道來故知此是無名始始亦何所有終亦何  
所止折得梅花插滿輿輓起銅羊走千里

盆梅二首

彼美清且貞幽芬發瑤席懿此山澤臞縞衣綠巾幘江南春雪  
時巴山寒雨夕

冬暄入遙夜寒漏相與永酒闌客復散塵慮一以屏褰帷明月  
來疎疎照斜影

憶舊遊四首

駿骨千金市未逢  
西風蕭寺掩長松  
夜來片月松間墮  
曾向深窗聽曉鐘

舊聞曾記小長蘆  
訪古依稀辨有無  
廉趙去時餘萬柳  
不勝煙雨冷青蕪

昆明湖水玉泉山  
劃破玻璃一櫂閑  
平碧橫烟鷺雙宿  
不知春浪到人間

禁裏清秋舊省郎  
年來持節似馮唐  
鳥啼花落尋常事  
祇是心懸日月旁

題郭珊漁兩瞻詩草後兼呈笠湖

浣却京華浣補塵布帛十幅大江春幾回黃鶴樓邊過安穩風

烟鶴背身

網得珊瑚作釣竿荷衣欲脆蕙裳寒鱖魚正上桃花水西塞源

翁可要官

笠翁所製吟風閣存西塞山漁翁封拜之閣

蘄邱明月玉田禾十二年來策馬過

癸未予奉命巡行蘄輔

柳失舊青霜

更白兩瞻詩裏一微哦

霜從今夜白柳失舊時青集巾過玉田螺句也

嶺上寒梅三百樹樹頭爭放向南枝玻璃凍合青天色待與先

生夜校詩

除夕同笠湖莘田秋漁守歲適得儉堂觀儉徼外見懷詩

卽次其韻

虎豈常負嶠鯤豈常在池歲晏涼風起我輩歌於斯當歌不知  
老對酒云誰思故人在荒徼騏驎長鳴悲相見感新知相離道  
昔歎折梅遙贈君清光爲我伴今夕是何年意長苦夜短人生  
幾良會且引尊中滿世事信如奕觀者愁爛柯蜀山際天起今  
古浮三峩大江日東去吳船維巴歌鐘動春又至去日良已多

乙未元旦

庭樹葳蕤初發蕾春風昨夜從東來來時燭影搖金杯廿年簪  
轂金銀臺九天高高門且開爐香拂天天昭回祥鸞威鳳雙排  
徊 聖人御極清九垓侍臣珥筆賦早梅詞溫語蒸當代才都  
將鴻筆爲霖雨千羽今看舞兩階

題莘田畫四松圖次韻

春風落手摹蒼松，翠欲滴燈花紅。一松秀削曲而直，古藤縷  
縷交長風。一松鐵幹輔此松，鬚髯如戟貌不同。更有兩松互偃  
蓋，橫枝聳節撐鴻濛。雲龍雷雨灑晴瀑，松澗松泉如濺玉。四松  
以外石氣清鬱起，潛虬一池墨四松之間。鸞鶴羣迴視塵壒，何  
紛紛。此松不願作梁棟，願作大樹休三軍。滿堂紅燭照恆滿，眞  
松着紙交雙管。畢宏已老章偃非古色，青青寫出欸

人日吳白華學使招同笠湖澹圃秋漁集扶雅堂分韻得  
酌字

兩日東郊春未踐，討春諾相呼。卽來過幽興在澹泊，題詩寄草

堂故事緬如昨香薰二三子遊宦共栖託望雲羨雲跡折梅畏  
梅落惟茲素心交中有名教樂所樂苟不存安知經世略此日  
不負人今人不古若名言得超詣說理展歡譔嘉會心所期有  
酒裡須酌

附同作得言字

附匯吳省欽沖之

服官喜餘暇矧乃春序曠得朋樂同類矧乃鄉曲敦吾儕重  
人日日往人則存今人不古若今日古所論牀頭酒新熟一  
笑開南軒細草萌壤階幽鳥窺小園客酬主再獻引瓊長源  
源着核何必佳禮數何必煩肝膈舉傾吐可默時可言雖無  
絲與竹習靜知道尊亦無監與史觀理知色温暑歸期蚤聚

後會庸勿諉

答白華學使

詩卷翻從薄宦留閒身却向簿書抽不須攬盡我眉色六對山  
雲傍馬頭

邀諸公天妙閣小集觀東坡洞庭春色賦冊子得春字

安定郡守何許人猶子僉判趙德麟洞庭春色賦兼跋雪窗書

此寄穎濱

原跋云安定郡守以黃柑釀酒名之曰洞庭春色其  
猶子德麟得之以餉予戲爲作賦後三日雪窗無事

嘗寄子  
由弟

揚本臨摹世所有墨蹟非古新非新時無鉅手此亦貴

我惡其似能亂真獻歲風光轉庭樹高談取笑娛嘉賓名公好  
古入骨髓樺燭夜照紅錦茵一童捧函一持竿引函不發先飲

醉星雲爛漫爭早覩墨光黯淡紙色勻從頭展讀恨寒具松州

觀察愕且噉揮杯大叫此履木胡爲來此前席陳座中勿噉共

浮白視學使者今吳筠爲從此賦述頭末坡公守穎齋厨貧其

時僉判越王嗣其年辛未及壬申陽和散入汝陰雪梅花柑酒

月似銀

侯鯖錄云元祐六年冬汝陰久雪人餓一日天未明先生簡召議事又云七年正月東坡在汝陰州堂前梅花

大開月色鮮齊王夫人曰春月色勝如秋月秋色秋月令人慘悽春月令人和悅何如召趙德麟輩來飲此花下先生大喜曰吾不知子亦能詩此賦首言橋中樂中言遠觀賢王親王名世準非郡守

此跋謬誤殊不倫

安定郡王世準兄岳氏槐邦錫及施氏註而宋宗室世系表稱世準爲成王德麟弟封至

安定郡王或史誤也坡岳施自不誤耳

公昔書此贈傳正

坡公曾爲吳傳正書此賦

彩筆已與

風烟淪金寒石泐八百載豈復呵護煩鬼神世間茫昧盡若此

虎皮羊質徒跋跋我聞此言更洗盥奉君筆札當峨岷分題爾  
韻動鄉思洞庭渺渺波粼粼春風何處吹綠蘋包山桂楫蕩道  
津吳王觴此西子嘯一觴再觴羅襪塵天姿國色愁東鄰安知  
東鄰復效顰與酣作歌爲絕倒夜雨洗出眉山春

爲王簡州

啟

題凌雲載酒圖

坡老吟詩漢嘉渡家在襄頤江上住襄頤吐月玻璃春往來棧  
棹凌雲樹雲散風流八百秋漢嘉太守幾曾遊人民城郭依稀  
是落葉年年打佛頭朱君能寫江水綠點染山光入山木我曾  
踏破九頂雲閣中欲就坡翁宿坡翁醉倒喚不醒瞥眼喜見峨  
眉青江山佳處看不足兩年空憶清音亭清音亭王秋汀但願

君爲漢嘉守日日載酒凌雲岫

長洲孫孝子

附錄

居廬圖十二詠

手築墓旁廬埽此松下石天憐負米心堆起山雲白

米堆山

菽水已不逮祭時烹小鮮逆將孝子淚涓滴下成泉

孝感泉

墓下池如月當年此洗參泉清月在水夜夜照人心

洗參池

種此八株柏行看成八龍崇臺高百尺臺外兩三峯

八柏臺

生戀膝下歡歿戀墓前草年年霜露淒哀哀此終老

居廬處

活活巖下泉泠泠孝思永想見居廬人臨深鑑孤影

順靈渠

永思夫如何春陰慈竹裏種得孳龍孫春風繞亭起

永思亭

晴雪落香海潭影花紛紛香雪化爲水尋源到五雲

香雪潭

老松何鱗鱗小松亦離立中有一松孤云是孝女植

萬松岡

丹邱鄴鄧尉遠山種梅花一塢白雲裏人稱孝子家

梅花塢

女蘿映松雪松寒女蘿潔華表鶴來時飛起坊前月

李節坊

潛德湖山外恩光祠臺前展祠兼謁墓七十二峯環

雙崖祠

集升菴分韻得歷字

查恂叔觀察新築書室傳爲楊升菴先生故宅屬予題升菴  
二字於額乙未正月十八日恂叔招陪諸公讌集於此學故  
家之喬木景前哲之餘風援筆慨然豈獨今之視昔耶

小人懷利祿君子重禮法灑掃文憲庭古香散金鴨半畝初地

餘數椽短籬夾踪跡安可期英雄老筆劄

壁枯升菴巖壁坐世  
英雄易老浮生踪跡

難同  
二語 升菴盛文章如七子居鄴當其得意時曹劉可橫壓疾風

知勁草罔月悲秋筆肅廟入繼統議禮或議給楸立文忠公獄

山齊岌峩我 祖竇同時諫諍本兢業痛哭觸帝闈披肝洞胸

務時先入世祖洞陽公以議禮再受廷杖真氣所感字詎假血同歆俯仰三百年

彈指兩一霎疎窗列喬林風燈轉簾押主人勸春酌遙夜古情

洽當歌勸天地龍劍秘玉匣爲問鶴在陰肯使虎出柙小醜猶

跳梁六師尙韎韐何時埽蠻烟壯士解衣甲桃李方滿園會待

試白衿吏飲酒如淮詞源倒三峽

草堂寺觀落梅

舊雨送梅花寒生老衲家古香吹不落芳意欲何加招客行溪

曲開門放月斜長  
謠出澁薄潭水夜明沙

不見杜陵老禪床  
聊可琴鳥飛殘雪墮  
僧語暮烟深花事頻開  
落溪流自古今  
霏霏香纈斷於此有遐心

舉酒劇梅飲悠然  
爾獨醒年華春未半  
樹色夜來青自覺衣裘  
冷非關雨露零  
江城吹玉笛燈火兩三星

一片雲光冷  
百花潭水流  
定中香自在空際色全浮  
夢落五湖  
月江開萬里舟  
宅邊三百樹多傍讀書樓

萬點蜀山尖

工部句

花光半壓檐  
生天香到地拂袖雨侵簾  
異代

開羣雅空庭  
想老栴林梢烟外出斜掛月  
纖纖

花冷猶堪浣人非尚有堂  
爲誰留半樹獨此賞孤芳  
白石蒼苔

徧野橋流水香閒情春易感未惜馬蹄忙

人來重遶樹雀啁未空林更索春風笑難爲暮雨吟鐘聲流滿  
院竹色斂餘陰步履經過處蒼蒼點碧岑

底事花如霞中林野鶴飛溪山誰是主風月送將歸薄酒醉千  
日冷雲深四圍暗香多在水可以浣征衣

飛花竟何意清影不知春一笑忽開歲再遊茲浹旬飄零餘賦  
筆澹泊祭詩神依舊幽栖地階除鳥雀馴

城南春旣早畫角水西東獨樹窺芳外羣情泛愛中僧歸錦里  
月客散草堂風後夜江光白流香誰與同

榕巢以催花詩見示賦答

東風次第到天涯幾度尊前惱鬢華寄語松州觀察使只催詩句莫催花

畢竟花開九十春不爭遲早好延賓花時只要花開久我憶當初種樹人

江東日日好風光二十年前側帽那待功成乞身去不如隨地愛春芳

一首新詩一樹花幽篁古木舊人家年年香發升菴宅其兩朝陽莫怨嗟

寒食日集升菴卽送榕巢觀察赴北軍用少陵重過何氏五首韻

乍返專征駕，還看種樹書。  
登樓籌絕域，埽地掩精廬。  
磊落籠中鶴，么臍釜底魚。  
頻年事邊徼，頗牧肯閒居。

人去花爭發，雲沉石更移。  
舊時巢燕子，新水出魚兒。  
詩酒都初地，江山落半陂。  
相從文憲宅，烟月滿疎籬。

每過談經處，頭攢柝時。  
不勝懷古意，聊共賦新詩。  
花柳宜春食，風霜奈鬢絲。  
及今須破賊，未欲說秋期。

儒生有何術，用箭亦須長。  
山勢排千帳，江聲急萬槍。  
祗應先士卒，乃復壓膏梁。  
待埽蠻烟淨，封章拜玉皇。

沃野盈千里，軍儲耗幾年。  
未全收地利，恐竭出山泉。  
夜帳嘶歸馬，春疇看力田。  
使君期夙駕，翹首望燕然。

四時行樂詞

青春樂事竟何如  
花氣清時柳影疎  
簾外微風吹鶴夢  
亂紅斜點讀殘書

風潭林影散微波  
吟客絺衣掛薜蘿  
最憶水晶簾下住  
滿湖涼雨夜聞荷

疎窗隱隱對遙林  
山色秋清隔岸深  
底事一竿閒釣石  
臨淵消却羨魚心

朝來積素廣庭寒  
悄立王維畫裏看  
攀得向南枝第一  
冷雲飛上玉闌干

浣花草堂歌

集杜附格  
巢觀察

浣花草堂亦何有好事就之爲摘酒酒酣擊劍蛟龍吼步簷倚  
杖看牛斗草堂塹西無樹林塹北行椒却背村桃蹊李徑年離  
古文彩風流今尙存寒雨颯颯枯樹濕秋天漠漠向昏黑白頭  
老罷舞復歌子規夜啼山竹裂松風澗水聲合時虎倒龍顛委  
榛棘憶獻三賦蓬萊宮飄然時危一老翁但話夙昔傷懷抱安  
得更似開元中雨中百草秋爛死城邊野池蓮欲紅誅萌卜居  
總爲此乃知變化不可窮當時浣花橋漁人網集澄潭下今我  
歸草堂正憶往時巖僕射富貴於我如浮雲落花時節又逢君  
舍南舍北皆春水奉乞桃栽一百根

集升菴觀梅得難字

升菴無梅樹移樹亦安自非守其素生理得完主人索花  
笑冰雪融心肝一花一如來不語愁阿難偶從出塞歸對此清  
光寒峨眉望不見古雪紛團團

冬杪沈莘田招集張氏園亭分韻得支字

小築城隅路殘鐘歲暮時樹容臨水淨鳥影落雲遲欹石孤藤  
絡平橋獨木支誰將巖壑意折簡爲催詩

送呂生歸吳興兼寄家書

片月峨眉青梅花五湖白鬢馬問吳船春來幾歸客  
我家梁清溪本是梁鴻里寄聲洵米人莫汗清溪水

夕次郟縣和畫莊

萬馬今蹄凱前宵雨洗兵花開石犀浦月上杜鵑城飛蓋村笳  
勦疎林騎火明艱難經五載卽酒爲君傾

清明日瓦寺道中

二月十六天氣佳桃關之西桃始華野花雜亂發榛棘古木顛  
倒空餘笏邊人上墓擊銅鼓蠻女負薪聞暮笳浮天積雪月初  
吐却看刀環憶別家

天舍山

直上三十里紆迴一百盤層陰春到未太古雪消難天意金川  
滅山靈瓦寺寒經過勤布化地險覺思寬

同畫莊納凹山

亦有山如硯，憑君問納回。不盈占坎卦，中斷變離爻。抱石耐連理，歸禽人共巢。前旌初出險，雲氣上鞭鞘。

卧龍關送陝兵歸固原

枕雪夢刀環，征夫此日還。春歸盤馬地，日照臥龍關。回首五原上，驚心四載間。同袍幾人在，一醉認瘡瘢。

壬辰秋予在蘭州經費局部署陝兵入蜀

今四年餘而提  
僕昔無存者

凱旋八首

卧龍關作

遂奏平蠻績，恭逢獻馘時。卧龍關上望，班馬月中馳。飛旆臨邊靜，鳴笳出谷遲。風塵書劍客，慚愧鬢成絲。

肅肅整前旅，行行戒夙興。揮戈羣虎穴，瞭甲挂猿藤。蜀道非難

上雲臺亦並升 王風被遐邇壯士莫驕矜

昨過桃關口嚴程送巨兇繫俘行萬里排陣下千峰繫翠看銘  
績騰黃記冊封就中誰第一殊錫大司農

酋亦千夫長官同九土司居然耽虎視蠢爾挾狐疑六月羣山  
雪三軍百戰時蕩平殊不易無敵是 王師

二月東巡候諸軍北上初禮崇孔子廟典秘太公書干羽三苗  
格共球萬國餘 恩施隨 玉輦佳氣動扶輿

慕義如西蜀年豐產亦饒儲胥徵羽檄風雪度繩橋朽骨消除  
整同心報 聖朝昨來看露布送喜萬方遙

余亦從軍久揚鞭自隴頭筆籌諸葛驛圖繪贊皇樓豈有涓埃

補常懷尺寸剛功成身可退濯足大江流

平楚眺三峨文翁德可歌暮山青壁壘芳草綠江波庠序詩書  
澤農桑禮樂和南人誓不反洗甲挽天河

憶昔行寄吳子真同年

我昔弱冠登賢書桃花千樹三月初青袍白馬君相訪十日載  
酒芙蓉湖湖頭疎雨白雲裏波上橫拖九龍尾攜屐追尋長史  
堂題襟喜效吳均體聯吟未久夢春明蘄北江南水上萍勸客  
一尊燕市酒送君遙睇鍾山青鍾山青青謝公臥門前綠淨不  
可唾九曲青溪去復迴一聲桃葉歌難和興來吹笛石頭城往  
往魚龍半夜驚自爲江山吐光怪非關蕭瑟感平生冷官秩滿

詩成帙謁

帝承明奏瑤瑟重逢已是十年餘半酣猶誇五

花筆自有文章氣若虹只愁車馬太匆匆豈田陽羨鷺籠外問  
月西江牛渚東牛渚風烟連白帝巫山巫峽朝雲鬢山圍古縣  
曉猿吟花落訟庭秋鶴唳鶴唳猿吟別思多南征蠻徼又橫戈  
君真橐筆從戎客我亦臨邊擊劍歌嘆息人生不相見舊時鬢  
鬢今來變男兒何必佩金魚且將換酒供歡宴君今六十已平  
頭向平婚嫁無須憂頻年攬盡峨眉色明月猶懸罨畫秋罨畫  
溪光常似舊芙蓉湖水如醇酎直須十幅布帆風掌取芙蓉爲  
君壽

響泉集詩十

無錫文苑閣排印